

孝感縣志卷八

兵事志

序曰孝感古戰場也其地六達三關障其後環漢阻其前人慄悍喜兵王常陳牧用之以開天下之亂自是而降爲南北分疆必爭之地戎馬之所蹂踐兵燹

孝感縣志

卷之八

兵事

一

之所摧殘創巨害深靡所底告民知窮困而各自爲保禎朝之季單其酷矣義烈之士國家不能收而雲合燦起以與強寇角一旦之命其事至難其心至苦迄今荒煙廢壘之間猶纏鐵馬金戈之氣夫害氣盛而盜賊應之版蕩極而義勇著焉民生其時何不幸也睠言今昔慨歎盈懷或天下將亂而吾里爲之鋒或世事已非而吾里爲之砥或遭割據之數斂或厄過旅之虔劉考歷代之戰爭詳智勇之長短亦當世得失之林也作兵事志

張志

周敬王十四年

魯定公四年

冬吳子唐侯蔡侯伐楚舍舟於

淮汭自豫章與楚夾漢左司馬沈尹戌謂子常囊瓦曰子汭漢而與之上下我悉方城外以毀其舟還塞大隧直轅冥阬子濟漢而伐之我自後擊之必大敗之既謀而行史皇謂子常曰楚人惡子而好司馬若司馬毀吳舟於淮塞城口而入是獨克吳也子必速戰乃濟漢而陳自小別至於大別三戰不利子常欲奔史皇曰安求其事難而逃之將何所入子必死之初罪必盡說庚午二師陳於柏舉闔廬之弟夫概王

孝感縣志

卷之八

兵事

二

以其屬五千先擊子常之卒子常之卒奔楚師亂吳師大繼之子常奔鄭史皇以其乘廣死吳從楚師及清發將擊之夫概王曰困獸猶鬪況人乎若知不免而致死必敗我若使先濟者知免後者慕之蔑有鬪心矣半濟而後可擊也從之又敗之楚人爲食吳人及之奔食而從之敗諸雍澁五戰及郢左司馬及息而還敗吳師於雍澁傷死楚子涉睢濟江入於雲中鄭公辛之弟懷將弑王曰平王殺吾父鬪成然我殺其子不亦可乎辛曰君討臣誰敢讐之君命天也若死

天命將誰讐詩曰柔亦不茹剛亦不吐不侮矜寡不畏疆禦唯仁者能之違強凌弱非勇也乘人之約非仁也滅宗廢祀非孝也動無令名非智也必犯是余將殺汝鬪辛與其弟巢以王奔隨明年七月申包胥以秦師救楚滅唐九月大敗吳師吳子乃歸十月楚昭王入於郢

沈宜按舍舟於淮汭則闔廬以舟師蔡人爲導自淮蔡來當另有步師自豫章來考左傳注豫章楚地未明言何處地理志謂安陸城東章山古豫章李白流

孝感縣志

卷之八

兵事

三

夜郎寄內詩云南來不得豫章書謂此地也然章山去漢甚遠與夾漢二字相悖當以今江西爲是大隧直轅冥阨則今九里武勝恨這三關也沈尹戍教囊瓦與吳師相持勿戰使已得焚吳舟塞三關而後與囊瓦夾攻之謀亦善矣惜囊瓦之不能用也觀小別大別雍澁及三關雲中郎則當日戰場正在今漢陽景陵安陸孝感間而隨州則昭王逃死之處耳地理志雲夢有楚王城昭王奔鄖時所築今不知城在何處或者卽雲夢縣治未可知也

新莽天鳳四年荊州饑饉民眾入野澤掘鳧茈而食之更相侵奪新市人王匡王鳳爲平理諍訟遂推爲渠帥眾數百人諸亡命者南陽馬武潁州王常成丹等往從之共攻離鄉聚藏於綠林山中數月至六七千人地皇二年荊州牧發犇命二萬人討綠林賊王匡等迎擊於雲杜大破牧軍攻拔竟陵轉擊雲杜安陸多略婦女還入綠林中州郡不能制三年綠林賊遇疫疾死者且半乃各分散引去王常成丹西入南郡號下江兵王匡王鳳馬武及其支黨朱鮪張卬

等北入南陽號新市兵皆自稱將軍秋七月王匡等進攻隨平林人陳牧廖湛復聚眾千餘人號平林兵以應之是年冬漢宗室劉縯劉秀起兵於白水十一月縯秀爲王莽將甄阜梁邱賜所敗會下江兵至宜秋縯秀與李通造其壁曰願見下江一賢將議大事眾推王常縯見常說以合從之利常大悟曰王莽殘虐百姓思漢今劉氏復興卽眞主也縯曰如事成豈敢獨饗之哉遂與常深相結而去常還具爲餘將成丹張卬言之丹卬負其眾曰大丈夫旣起當各

自爲主何故受人制乎常乃徐曉說之曰王莽苛酷積失百姓之心民之謳吟思漢非一日也故使吾屬因此得起夫民所怨者天所去也民所思者天所與也舉大事必當下順民心上合天意功乃可成若負強恃勇觸情恣欲雖得天下必復失之以秦項之勢尙至夷滅況今布衣相聚草澤以比行之滅亡之道也今南陽諸劉舉宗起兵觀其來議者皆有深計大慮王公之才與之并合必成大功此天所以祐吾屬也下江諸將雖屈彊少識然素敬常乃皆謝曰無王

孝感縣志

卷之八

兵事

五

將軍吾屬幾陷於不義卽引兵及新市平林兵與

漢合

按鳧茈葶薺也澤中鳧茈是野生者顆小而黑實甚堅今野田處處有之有是則害禾 江夏新市辨見封域營建志

晉武帝咸甯三年冬吳夏口督孫慎入江夏汝南略千餘家而去詔遣侍臣詰荊州都督羊祜不追討之意因欲移荊州治江夏祜曰江夏去襄陽八百里比知賊問賊已去經日步軍安能追之勞師以免責非臣志也昔魏武帝置都督類皆與州相近以兵勢好合

惡離故也疆場之間一彼一此慎守而已若輒徙州賊出無常亦未知州之所宜據也 沈宜曰據此晉初夏口江夏猶爲二處當日之夏口蓋今之江夏當日之江夏蓋今之孝感也孫愼旣入江夏旋入汝南二地當相距不遠若以爲今之汝南則相去七百里輕兵襲人豈易可及且羊祜止言江夏去襄陽八百里而不言汝南可以知江夏汝南甚近宋書地理志云江夏郡領縣七一曰汝南晉末汝南郡民流寓夏口因立縣或者吾邑之汝南城魏晉世已有之不俟

孝感縣志

卷之八

兵事

六

晉末始僑置耶

惠帝太安二年荊州都督新野王歆爲政苛切失蠻夷心義陽蠻張昌聚黨數千人欲爲亂以壬午詔書發武勇赴益州討李流號壬午兵民憚遠征皆不欲行詔書督責嚴急所經之界停畱五日者二千石免官由是郡縣官長皆親出驅逐展轉不遠輒復屯聚爲羣盜時江夏大稔民就食者數千口張昌因之誑惑百姓更姓名曰李辰募眾於安陸石巖山今石門觀音寺諸流民及避戍役者多往從之太守弓欽討之不勝遂

攻郡欽奔武昌昌遂據江夏造妖言云當有聖人出
爲民主得山都縣吏邱沈更其姓名曰劉尼詐云漢
後奉爲天子曰此聖人也昌自稱相國詐作鳳凰玉
璽之瑞建元神聖郊祀服色悉依漢故事有不應募
者族誅之又流言江淮以南皆反互相扇動江沔間
所在起兵以應昌旬月眾至三萬皆著絳帽以馬尾
作髯詔遣監軍華弘討之敗於障山今安陸新野王
歆上言妖賊犬羊萬計絳頭毛面挑刀走戟其鋒不
可當請臺敕諸軍三道救助朝廷以屯騎校尉劉喬

爲豫州刺史甯朔將軍沛國劉弘爲荊州刺史又詔
河間王顥遣雍州刺史劉沈將州兵萬人並征西府
五千人出藍田關以討昌顥不奉詔沈自領州兵至
藍田顥又逼奪其眾於是劉喬屯汝南劉弘及前將
軍趙驤平南將軍羊伊屯宛昌遣其將黃林帥二萬
人向豫州劉喬擊郤之昌至樊城歆出拒眾潰爲昌
所殺詔以劉弘代歆爲鎮南將軍都督荊州諸軍事
是時荆江揚豫徐五州之境多爲昌所據更置牧守
皆桀盜小人專以劫掠爲務秋七月劉弘遣陶□攻

昌於竟陵劉喬遣其將李楊等向江夏□等屢與昌戰大破之前後斬首數萬級昌逃於下雋山今武昌崇陽縣其眾悉降 明年永興元年八月荊州兵擒斬張昌同黨皆夷三族 成帝咸康五年征西將軍庾亮鎮武昌使毛寶樊峻戍邾城趙王石虎患之以夔安爲大都督帥石鑒石閔李農張貉李菟等五將軍兵五萬人寇荆揚北鄙二萬騎攻邾城今黃州府九月石閔敗晉兵於沔陰殺將軍蔡懷夔安李農陷沔南虎別將朱保敗晉兵於白石殺鄭豹等張貉陷邾城毛寶赴

孝感縣志

卷之八

兵事

八

江死夔安進據胡亭寇江夏義陽將軍黃沖義陽太守鄭進皆降於趙安進圍石城竟陵太守李陽拒戰破之斬首五千餘級安乃退遂掠漢東擁七千餘戶遷於幽冀

沈宜曰邾城隔在江外不足爲北圖輕重陶□言之悉矣至庾亮爲督卒城之橫挑強虜喪師失地謀之不臧肉可食乎以國舅之尊秉典午之政在內則啓蘇峻之亂在外則致石虎之師比至強寇生心束手無策而在廷無一言司寇不一問晉之刑政可知矣

梁武帝天監元年八月魏以鎮南將軍元英都督征義陽諸軍事司州刺史蔡道恭聞魏軍將至遣驍騎將軍楊由帥城外居民三千餘家保賢首山爲三柵十月元英圍賢首柵柵民任馬駒斬由降魏魏任城王澄命統軍党法宗傅豎眼太原王神念等分兵寇東關大峴淮陵九山高祖珍將三千騎爲遊軍澄以大軍繼其後攻拔關要潁州大峴三城徐州刺史司馬明素將兵三千救九山長史潘伯鄰據淮陵甯朔將軍王燮保焦城党法宗等進拔焦城破淮陵十一月

孝感縣志

卷之八

兵事

九

壬午擒明素斬伯鄰 三年上遣平西將軍曹景宗後軍王僧炳等帥步騎三萬救義陽五月魏人攻義陽晝夜不息刺史蔡道恭隨方抗禦皆應手摧卻相持百餘日前後斬獲不可勝計魏軍憚之將退會道恭疾篤呼從弟驍騎將軍靈恩兄子尙書郎僧勰及諸將佐謂曰吾受國厚恩不能攘滅寇賊今所苦轉篤勢不支久汝等當以死固節無令吾沒有遺恨遂卒靈恩攝州事城守七月魏人聞道恭卒攻義陽益急曹景宗頓鑿峴不進上復遣甯朔將軍馬仙琕救

義陽仙琚轉戰而前兵勢甚銳元英結壘士雅山伏諸將示之以弱仙琚乘勝直抵長圍掩英營英僞北以誘之至平地縱兵擊之統軍傅永單騎先入軍主蔡三虎副之突陳橫過梁兵射永洞其左股永拔箭復入仙琚大敗一子戰死仙琚退走英謂永曰公傷矣且還營永曰昔漢祖捫足不欲人知下官雖微國家一將柰何使賊有傷將之名遂與諸軍追之盡夜而還時年七十餘矣軍中莫不壯之仙琚復帥萬餘人進擊英英又破之殺將軍陳秀之仙琚知義陽危

急盡銳決戰一日三交皆大敗而還蔡靈恩勢窮八月乙酉降於魏三關戍將皆棄城走御史中丞任昉奏彈曹景宗上以其功臣寢而不治詔於南義陽置司州移鎮關南以鄭紹叔爲刺史紹叔立城隍繕器械廣田積穀招集流散百姓安之魏置郢州於義陽以司馬悅爲刺史上遣馬仙琚築竹敦麻陽二城於關南司馬悅遣兵攻竹敦拔之五年魏征虜將軍宇文福寇司州俘千餘口而去七年九月魏郢州司馬彭珍等叛魏潛引梁兵趨義陽三關戍主侯登

等以城來降郢州刺史婁悅嬰城自守魏以中山王英都督南征諸軍事將步騎三萬出汝南以救之十二月擊斬梁甯朔將軍張道凝魏義陽太守狄道辛祥與婁悅共守義陽將軍胡武城陶平虜攻之祥夜出襲其營擒平虜斬武城由是州境獲全 八年正月魏中山王英至義陽將攻三關先策之曰三關相須如左右手若先克一關兩關不待攻而破攻難不如攻易宜先攻東關又恐其并力於東乃使長史李華帥五統向西關以分其兵勢自督諸軍向東關先

是馬仙琕使雲騎將軍馬廣屯長薄軍主胡文超屯松峴丙申英至長薄戊戌長薄潰馬廣遁入武陽上遣冠軍將軍彭甕生驃騎將軍徐元季將兵援武陽英故縱之使入城曰吾觀此城形勢易取甕生等既入英促兵攻之六日而拔虜三將及士卒七千餘人進攻廣峴太子左衛率李元履棄城走又攻西關馬仙琕亦棄城走上使南郡太守韋叡將兵救仙琕叡至安陸增築城二丈餘更開大塹起高樓眾譏其怯叡曰爲將當有怯時不可專勇中山王英急追仙琕

聞叡至乃退上亦有詔罷兵

周大象二年相州刺史尉遲迴起兵討楊堅相州總管司馬消難舉兵應迴楊堅遣柱國王誼爲元帥以討消難消難以鄖隨溫應土順沔儂岳九州及魯山等八鎮來附遣其子永爲質以請援八月詔以消難爲大都督總督九州八鎮諸軍事司空賜爵隨公詔鎮西將軍樊毅進督沔漢諸軍事王誼帥四總管至鄖州司馬消難擁其眾以魯山甌山來奔時楊堅方圖篡國未暇爭也

孝感縣志

卷之八

兵事

十二

按儂州岳州皆今孝感地

唐僖宗乾符四年八月王仙芝陷安州 昭宗光化元年冬朱全忠將朱友恭克黃州還過安州或告刺史武瑜潛與淮南通謀掩取汴軍十月己亥友恭攻之殺

宋甯宗開禧元年韓侂胄渝盟北伐十一月金遣完顏

匡破襄陽隨州進圍德安府分兵掠安陸應城雲夢

孝感漢川諸縣 嘉定十年金主珣以北境日蹙納

王世安之策犯棗陽 十一年冬金以僕散安貞爲

左副元帥南侵 十二年犯麻城 十四年二月金

人圍光州犯五關圍黃州破諸縣犯漢陽軍

理宗端平二年蒙古主窩闊台遣忒木斛及張柔等南侵 三年八月陷德安府 嘉熙三年三月孟珙

復信陽光化 淳祐十二年蒙古兵攻隨郢安復副

總管馬恭拒戰卻之 開慶元年蒙古將忽必烈圍

鄂州聞元主殂而去 景定元年蒙古兵至漢陽

去尋

度宗咸淳十年九月元呂文煥以伯顏趨郢州伯顏分兵爲兩道自與阿朮由襄陽入漢濟江 十二月

伯顏至蔡店遣人覘漢口形勢軍將馬福言淪河穿

孝感縣志

卷之八

兵事

十三

湖中可從陽邏堡西沙蕪口入江時宋將夏貴以精兵守沙蕪口伯顏進圍漢陽聲言取漢口渡江貴移兵援漢伯顏乘間遣阿剌罕將奇兵倍道襲沙蕪口奪之因自漢口開埧引船入淪河轉沙蕪口以達江由青山磯渡自是孝感入於元

元順帝至正十一年穎蔡兵起聶興宗許成僭號據應山分其黨據孝感等縣 十二年徐壽輝起兵蘄州招應山明玉珍爲元帥孝感人多附之 十六年玉珍率兵襲重慶稱夏主孝感人多隨之入蜀是時壽

輝兵皆裹紅巾至今土人言紅頭軍作反人殺盡各處人蓋玉珍等事也

明太祖甲辰

元至正二十四年也

二月圍陳理於武昌聶興宗許

成來歸 莊烈帝崇禎六年十二月流賊破信陽州

南至應山縣之孟范店時承平日久人不知兵聞警

大震 七年正月賊自孟范店走信陽 八年正月

賊大至多所焚殺自是如過天星扒山虎老狷狷一

點油托天王一斗粟黑旋風格裏眼混十萬草上飛

獨腳虎八爪龍整世王曹操蝎子塊邢管隊八大王

孝感縣志

卷之八

兵事

十四

闖塌天出獵雁黑心虎混天王諸賊去來往復不可
勝紀幾于月無甯日然皆殺掠四野未薄城 十年
九月初九日黎明張獻忠帥眾數萬徑趨城下甲馬
精嚴驟如風雨圍數匝晡後并力攻北門掘外城
圮遂梯之而上蜂擁爭先勢甚銳知縣李向學懼
不知所爲貢士萬以忠者素談兵至是率所養勇士
拒戰甚力張斗明武惟捷各以火礮擊殺數十人一
賊衣緋舞槊冒矢石直上麗譙趾且及於埤堦有喻
斟者手提大石出堞迎殺之斟亦失足隨所殺者墮

地死賊遂膽落歸營明日拔去 十六年正月李自成遣其權將軍白旺陷德安府邑城潰知縣莫元教棄官走賊入城署歸德人田助功爲令當是時還之人民土地悉隸於賊而其倡義起兵與相角殺者惟大義忠義二營大義營者白雲寨忠義營者上中下十五旗也白雲山西南距城九十里層巒削壁相傳古避兵地崇禎八年賊不時至人無所庇參政邑人夏時亨以諸生唐烈馬逢泰耆民湯希禹胡聆楚之請言於知縣雍公鳴鸞寨其上使近山居人得有所

保十六年正月邑城旣入於賊運判彭濬典貢士劉祺彭清典萬以忠諸生楊金聲黃文星等皆以避難來二十八日賊眾突抵寨下攻五晝夜清典等督義勇拒走之二月二十五日李自成將賀人龍帥眾萬餘環攻三晝夜是時清典等皆徙去寨中僅壯士況思聖湯延澤湯賓選等百餘人奮勇血戰賊大創遁去四月貢士夏焯來自武昌秣馬練兵寢成營壘五月舉人劉申錫應山諸生楊之金等於邑北境起兵恢勦焯與互爲聲援白旺銜之且欲加兵黃麻恐白

雲之躡其後必欲滅此而後朝食七月初一日帥眾數萬來攻而吏部員外郎程良籌亦以先一月家白雲與焯同僑寓諸生程元申張士達徐應錫胡應振程仲甫土著諸生馬逢時唐應奎賀康祉湯元鵬李司直等同心守禦多所斬獲或賊乘夜暗襲則時令健兒礮石擊之爲力不多而磷齒相搏互爲礮磕一發常殺數人寨人枕戈露拒者三十九日八月初一日賊知不可拔引去亡何夏時亨由板橋販赴白雲同良籌請劄授官鼓厲鄉勇號營大義決策進勦十

孝感縣志

卷之八

兵事

十六

一月十七日偵知賊驍騎聚於楊家砦禎焯以忠同分領屠奏疏李珽予余之軌蔡同春湯謀況於衷湯議劉興義樂和等圍之盡殲其眾奪馬三十四十九日全師西向克復邑城江北巡撫王揚基檄請良籌監軍而版授祺焯以忠監紀乃以十二月督諸義士馬逢賢魏中映況可召馬逢康涂鵬程劉體倫等攻賊於圓潭砦尅之旋憩白蓮砦馳檄各營同擊府城白旺用僞弁詐降行謀而各營適札四野僞弁潛引賊襲砦潰良籌被擄陣亡義士徐從先劉御明程

大德僧應虛等三百餘人十七年正月寨人同西協
遊擊馬應龍擊花源砦斬賊首八十餘級二十四日
隨毛惠二鎮攻府城尅之旺殺良籌走京山巡撫何
騰蛟巡按黃澍檄請時亨監軍嚴防禦勤操練賊亦
戢志於我八月初十日寨人大舉西向賊伏騎三百
於黃土寨以邀我師我師敗績徐應欽楊鼎臣華君
美張一宗等死之十一月初十日賊以馬步三千人
攻白雲次周星店時亨密令劉體縉楊士修劉顯祥
等夜斫其營斬賊首百餘級獲馬十八匹撫按嘉白

雲功以程良籌死事狀聞蔭贈如例而題劉祺以通
判監紀岳州新隄夏焯以通判監紀黃德二府鄉勇
彭清典以推官監紀軍前萬以忠授河南信陽知州
徐應錫授河南桐柏知縣分領義士版授參遊都守
有差 上五旗者孝感之北二百里爲新店又二十
里爲三里城與羅山信陽壤接崇禎戊寅羅山吳新
宇等作亂大爲鄰患邑諸生胡應奎萬言揆與應山
僑寓諸生楊之金等合志立營有眾萬人共推應奎
爲營長之金言揆副之而部分廖永錫陳廣黃懋邢

志廉萬人傑余冲胡宗儉陶自立耿時泰等爲五旗
羅賊每至輒擊斬之十五年四月應奎卒眾推之金
補營長言揆副之八月賊破羅山闌入山谷之金等
堵戰七日殺賊數百人及之金敗語詳中眾復推應
奎之父景姚爲營長景姚有孫諸生効忠仲璉董其
事云 中五旗者崇禎癸未賊氛猖獗奸宄所在竊
發有道人戴姓者北來以妖術惑眾嘯聚五千人謀
不軌諸生劉滄程錫祚張學魁暨義民劉啓錫張應
舉汪廷俊高啓雲易廷仁等以四月初一日起義擊

平之時李自成勢正張荆襄羅置僞令滄等益振義
旗誓死堵禦踰月滄父舉人申錫歸自都門眾競推
爲長而上五營楊之金萬言揆下五營汪始達吳錫
蕃副之遠近應者如響義聲大振五月十六日攻應
山克之二十六日攻德安擒殺僞府正吳從繩斬獲
賊渠無算六月初一日攻雲夢又克之初五日賊以
騎數萬密從間道迫其營壘青堆山告急十二日申
錫之金等回兵往救不能陣乃趨保龍王潭砦而奸
人傅如盤以情輸賊教之力攻於是萬人先沈希文

談太恆楊蕊傅正宗萬夫雄李瓊林李光國等皆死
之申錫同之金被執詈聲不絕見殺事聞申錫贈知
州廕其子滄入監讀書之金贈教諭且令所司置祠
合祀滄讐切君父益整前旅以從毛惠二鎮重復德
安題授參將各營長分別優敘其營至賊平乃解
下五旗者崇禎十六年正月諸生汪始達起煉潭安
陸諸生吳錫蕃僑寓匯水各結一壘與上中五旗協
謀恢復應山德安雲夢其始抵鄧家橋也分領余昌
祚擒賊四十七人賊亦奪我義士吳逢良去急退入

孝感縣志

卷之八

兵事

十九

城乃繫逢良於城東樓迫以刃令招我兵逢良大呼
曰賊營半屬婦女不足平我則死耳諸君努力賊怒
殺之後賊攻潘家砦錫蕃中矢殞而始達獨爲營主
昌祚與傅珍方士宏徐自常徐光濶各統一旗云
國朝順治二年四月 靖遠大將軍英王帥師逐賊賊望
風奔竄王素聞白雲義舉至德安使使者齎
令旨召參政夏時亨爲屯軍白沙以待者三日時亨稱疾
不就於是時亨子舉人煒及其齊年沈會霖丁之鴻
共推參將屠奏疏等往 王以時亨不可致默然良

久引見奏疏等問白雲抗賊狀予坐予讌讌畢承
制詔授屠奏疏武昌道副使張心忠漢陽知府楊士修漢川
知縣吳祖周麻城知縣劉體倫皆要害守備而以陳朴來知縣
顯祥徐鳳奇劉體倫皆要害守備而以陳朴來知縣
事寨眾乃解 五年正月三十口豫寇張其倫陷孝
感其倫字甯宇羅山人初起兵自號紅旗旋降於李
自成授偽都尉自成敗復招集亡命謀不軌引其眾
南向襲破孝感殺知縣郜炳元掠金帛騾馬還次趙
寺步德安參將賀世虎輕騎夜至掩擊之死者大半

孝感縣志

卷之八

兵事

二十

其倫僅以身免方其倫之南寇也總督羅公繡錦遣
其材官姚奇間道來自雲令同寨人便宜堵撫於是
招降潰賊陳士益等五百餘人其倫既得脫歸收合
餘燼保雞籠山世虎追至山下羅山知縣辭耳亦請
於豫撫檄兵備道謝永福參將朱國強協討攻一月
破斬之 十八年三月有范東陽者以江南亡命流
寓邑之新店鳩結無賴謀爲不軌詭稱僞蕭王使者
造作告身潛行頒給將一紙投士人黃素先素先出
首於是訛言繁興邑乃大恐知縣張公擢士不動聲

色計擒東陽及其黨雷信之胡敬山等縛解撫部東陽等以倡亂奏當大辟素先

題准敘用而諸脅從黨與皆縱釋不問邑以晏然

張志上

嘉慶元年丙辰聞家大塘胡家寨邪匪賊首楚金貴魯維志以求福斂錢爲名私約五月五日賽龍船會起事佔踞城池謀洩遂於四月二十八日聚數百人

豎旗築砦德安營參將劉景齡

鑲黃旗漢軍人乾隆進士

帶兵六

十名由雲夢前往搜捕兵雖單紀律甚嚴而賊匪狡謀假爲農夫分布稻田耘草參將甫至詢以入砦途

孝感縣志

卷之八

兵事

二十一

徑賊引入泥淖預埋鐵齒釘耙秧田中居時匪類一聲哨聚各挺長矛四圍攢搦參將馬陷泥中難於馳驟步兵滑跌多爲鐵釘所傷全軍覆沒賊燄遂熾欲據東山之險時武生劉友華暨葉翠華督同鄉勇首事各糾集千餘人開掘二十餘里長溝防堵賊不能越

劉葉二人皆死於賊

相持月餘至六月二十三日明將軍亮

統兵至孝感營於近賊砦之三叉埠口相度形勢傳令休息三日進兵賊偵知備稍懈是夕初更後忽督兵進剿一夜喊聲礮聲不絕平明渠魁被擒餘盡殲

二年襄陽教匪齊林之妻王氏卽俗傳齊二寡婦也由河南竄黃安

大兵追擊賊遂由土脊嶺竄黃陂之河口鎮踰山越險夤夜至邑二郎店焚掠邑人震恐賴

大兵躡賊乘大雨渡河西逸

咸豐元年辛亥粵匪起廣西 二年壬子竄湖南八月撲長沙弗克十月陷岳州十一月竄漢陽十二日攻大別山營遂陷府城邑人大震知縣李殿華與紳士計議募勇守城凡發典生息賓興膏火育嬰銀錢

孝感縣志

卷之八

兵事

廿二

並取給兵勇口糧十二月初四日省城陷 三年癸丑正月賊下竄九江遂陷江甯九月賊自江南上竄黃州漸至漢口邑中紛紛遷徙二十六日漢陽土匪鉤結粵匪三十餘人至城外焚萬福庵文昌閣知縣所募勇丁盡潰賊入城燒衙署大掠民財而去賊退居民漸集忽傳賊至四汊河時漏下三鼓有點役王彪欲行搶奪沿門報警適知縣李殿華捕得之斷其手又生理行劫土匪余癸未及越卡竊匪戴二老等三人梟搶犯林上元首併治其從者土匪始斂跡民

賴以安 四年甲寅正月省城二次失守賊分擾附近郡縣以催貢爲名二月初至黃陂漸近邑境知縣李殿華謂邑民脆弱特招信陽羅山鄉勇三千餘名重給口糧以保城池又招鄉勇一千三百名令游幕人李玉田爲統領駐楊店防東路二月賊四百餘人自黃陂河口竄東楊崗轉小河溪知縣帶勇往勦賊迎戰於左家店官兵大敗知縣幾不免時賊酋索貢者分駐東楊家崗涂家巷等處沿村搜索邑紳石榮桂令其姪文炳映璜等練勇爲保禦計二十八日搗

孝感縣志

卷之八

兵事

二十三

涂家巷賊窠殺其酋數十人孝感民團自此始次日知縣李殿華命楊店防勇勦東楊家崗賊斃其渠生擒九十餘名戮之自是賊之催貢者盡逃歸漢口三月初四日賊撲縣城信羅鄉勇望風潰賊遂踞城知縣至三汊港招集散勇爲恢復計四月十三日賊自黃陂攻楊店統領李玉田先遁百長亦遁賊恣行焚殺良民死者無算五月賊至趙寺埠知縣帶勇迎擊大敗僅以身免賊延燒三汊港上下十數里知縣移駐西楊崗委員同紳士勸捐民始受賊擾繼以捐輸

凡有擔石之儲者紳役無不搜括矣七月總督楊霈自德安移駐楊店賊由三汊埠來攻大營參將劉富成要擊之賊敗歸漢口八月

欽差侍郎曾國藩提督塔齊布以水師克復武昌漢陽邑氛始靖 五年乙卯正月賊自黃州竄漢口陷府城知縣李殿華招勇五千名令李玉田募勇三千名由黃陂進自帶勇由後湖進欲克復漢口府城二月初五日賊分股迎戰俱大敗鄉勇被殺及溺死者無數初九日復由前路進剿又敗殿華夤夜退回孝感玉

孝感縣志

卷之八

兵事

二十四

田退回楊店五月省城三次失守未幾賊大股復陷邑城進陷德安知縣移駐青山口六月德安賊焚燒郭下鄉數十里八月李殿華創修畝費斗田百錢邑大擾賊踞德安府城數月九月武舉沈步堂沈殿英生員沈用紀等起義恢復德安捐貲招勇千名推童生夏相烈爲首領初相烈授徒楊氏二月有同學數人被賊擄至德安爲賊目涂承先書記以蠟丸寄相烈令募勇攻城伊等縱火爲內應相烈因勸步堂等捐資約重陽後進兵無何賊與大兵戰楊姓數人皆

斃及沈氏勇至城下內應弗驗賊開門追擊死者甚眾時逆蹤來去無常邑城俛得俛失官民均無定居奔竄流離洪樂諸趙兩鄉尤甚六年丙辰十一月大兵同日克復府城及省城邑民流亡者漸次復業十一年辛酉粵逆踞黃州分黨竄擾黃陂孝感雲夢德安隨州等屬二月踞縣城城上旗幟如林城外環築土壘木卡密釘濠籤城河纜木爲橋四面槍礮密布勢甚披猖會李公續宜統率所部合舒都統馬隊由黃陂進割楊店又水師統領彭公玉麟督各營

礮船上駛與李公商定進兵之策力攻孝感以扼其吭三月初一日派金觀察國琛等帶湘勇七千餘人進紮城外彭公率舳板船數十號入縣河進攻初三日都司王吉率礮船至城河賊出大隊抗拒我師開放槍礮斃紅衣黃帽賊一名賊眾敗退各官直前奮擊燒賊船數十號初六日王吉等駛至西門拋擲火蛋焚燬賊卡及木橋初三日彭公分水師爲三隊晝夜轟擊東西兩門金觀察以陸隊圍攻城壘自初八夜水陸夾擊施放槍礮火力攻一日夜傷亡兵勇

甚眾水軍志氣彌厲不肯收隊至初九日二更將東西兩大營踏平又將木城焚拔濠溝填滿四面攻進斬擒悍逆數十名陸師乘勝由大東門北門緣城而入水師由小東門緣城入敗賊急縱火突城逃竄是日亥刻縣城克復金觀察跟蹤追剿斃賊多名餘逆渡白沙鋪河淹斃無數

見前撫胡文忠公遺集

同治元年壬戌粵逆竄陝西者被

大兵剿洗餘黨東竄與捻匪合閏八月竄應山二十五日竄小河溪時都統舒保帶馬隊駐劄縣城考棚兵不

孝感縣志

卷之八

兵事

二十六

時出入城門未閉二十九日賊乘機入知縣韓公體震帶勇巡查突與賊遇手刃數賊一賊以矛刺之被害九月初一日黎明賊由小河溪東竄綿亘五十餘里州同李銘曾捐貲募勇命其子監生李廉督率保護鄉里是日擊賊以眾寡不敵被賊圍砍陣沒文生李嘉瑞文童李傳甲監生沈用大生員夏昌鼎等并隨同擊賊遇害初二初三日賊盤踞涂家巷東楊崗兩河口一帶沿村擄掠搜索鄉民多攜眷避於黃草山賊將至山麓有徑路不能并騎行武生候選守備

湯紹闔率親丁百餘人截擊湯善射矢無虛發殪賊多名賊大隊至眾潰湯受刃死賊是次竄邑時寨堡未修鄉民聞風惟入山遠避自初一日賊至男荷擔婦縶兒爭趨絕巘不料賊累日不去晝飢夜寒備受艱苦初五日賊退歸家有室被焚夫男被殺被擄僵屍載道婦女殉節溺死屍浮者不堪指數邑之劫運以是年爲最酷

李銘曾事見直隸總督劉公長佑奏疏

二年癸亥九月

月擒匪二次竄邑知邑城空虛未遭荼毒時民間奉大憲堅壁清野之諭凡築有堡砦者皆免擄掠惟白

孝感縣志

卷之八

兵事

廿七

雲砦爲六會公所山勢崎嶇鄉民紛集保全最多六會者大同洪治歸元勸善舜日仁孝也 三年甲子四月擒匪三次竄邑逼近城垣十月四次竄邑踞五桂市三汊港及洪樂鄉等處居民轉徙流離幾無甯晷 四年乙丑十二月擒匪五次自皖上竄踞黃陂邑民聞警遷避洪樂鄉與陂接壤下鄉居民俱避至漢陽隔水岸上搭棚而居上鄉則入砦自保十二月白雲砦避難鄉民多至十餘萬五年正月賊出境始歸 五年丙寅十一月擒匪六次竄邑邑自辛酉粵

匪竄踞以後城郭不完兵甲不多知縣每聞賊警卽先移官眷出城以致民無固志紛紛遷避城愈空虛知縣吳大訓久歷行間洞識賊情並精守禦甫聞賊將至縣大訓卽各門下鍵不准搬運出城與委員黃廣焯把總潘金彪學官張元佩及邑紳前任武昌府教授徐浚前任隨州學正徐慶曾中書徐中信布理問馮紹梓訓導魏澤宏嚴家彥生員劉炳修胡作梅涂學諾主簿劉昌鼎職員周道行蕭至高屠道豐聚議竭力分門固守徐浚徐慶曾徐中信首先倡捐措

辦軍資火藥又與馮紹梓等八人隨知縣晝夜梭巡時在籍工部主事王兆倬亦捐資相助賊偵探數日知城有備禦眾無所用遂西竄而去是年陂北田蠻三段文華糾集無賴流毒閭里蔓延邑之大公會候補道湯聘珍奉撫憲檄率小河防勇擣其巢擒滅之居民勒石紀其事 六年丁卯四月捻匪七次竄邑知縣吳大訓防守益嚴邑紳愈踴躍從事賊不敢近城惟各鄉受害洪樂尤甚時黃安匪徒張么糾集無賴至邑北二郎畝將謀不軌知縣吳大訓會同小河

縣丞張開柏督同紳民劉春堂等捕獲張么解省正
法稟保劉春堂等以教職候選是年五月賊竄皖省
自是居民安堵永享

昇平焉

孝感縣志

卷之八

兵事

二十九